

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa policijski komesar, Generalni inspektor policije Nusret Selimović, (u daljem tekstu Ugovorni organ)

i

IMTEC d.o.o Sarajevo, Bosanski put bb, Ilijaš, ID: 4200918780002, koga zastupa direktor Safija Hadžić (u daljem tekstu: Dobavljač)

zaključili su:

**UGOVOR O NABAVCI DRONOVA (BESPILOTNIH LETJELICA)
LOT 2 – DRON TIP 2**

Član 1.

Predmet ovog ugovora je nabavka dronova (bespilotnih letjelica), za potrebe Uprave policije MUP-a Kantona Sarajevo, i to:

- LOT 2 – dron tip 2 (2 komada)

Nabavka je izvršena putem otvorenog postupka, na osnovu Odluke broj 02-14-4-5677/19 od 24.10.2019. godine.

Član 2.

Ugovorne strane su se sporazumjele da kupoprodaja iz člana 1. ugovora obuhvata sve elemente navedene u ponudi Dobavljača, i to za:

- LOT 2 – dron tip 2 broj: 03735/19-2 od 19.12.2019. godine,
- i na osnovu koje je, zajedno sa elementima iz tenderske dokumentacije i sačinjen ovaj ugovor. Ponuda Dobavljača broj 03735/19-2 je sastavni dio ovog ugovora.

Član 3.

Ukupna vrijednost ovog ugovora za predmetnu nabavku sa uključenim PDV-om iznosi 16.497,00 (šesnaesthiljadačetiristinedevadesetsedam i 00/100) KM.

Cijena i ostali elementi ovog ugovora se ne mogu mijenjati.

Član 4.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Član 5.

Dobavljač se obavezuje da će robu iz člana 1. ovog ugovora isporučiti najkasnije u roku od 90 (devedeset) dana od dana stupanja na snagu ovog ugovora, na adresu Ugovornog organa. Sve troškove isporuke do primopredaje, kao i troškove reklamacije snosi Dobavljač. Dobavljač se obavezuje izvršiti obuku službenika Uprave policije za upotrebu predmetnih dronova.

Član 6.

Dobavljač se obavezuje da će odmah postupati po eventualnim primjedbama Ugovornog organa u pogledu nedostatka na ime izvršene nabavke iz člana 1. i 2. ovog ugovora.

Kašnjenje u realizaciji Ugovora povlači obračun ugovorne kazne u visini od 1% od vrijednosti ovog ugovora za svaku punu sedmicu kašnjenja do urednog ispunjenja, s tim da ukupan iznos ugovorene kazne ne može biti veći od 10% od vrijednosti ovog ugovora.

Član 7.

Plaćanje za isporučenu opremu će se vršiti u roku od 30 (trideset) dana od dana isporuke robe i dostavljanja pojedinačne fakture, na tekući račun Dobavljača.

Član 8.

Ukoliko Ugovorni organ ocijeni da Dobavljač nije u stanju kontinuirano i kvalitetno izvršavati preuzete obaveze, odnosno ukoliko ponuđena roba nije u skladu sa datom ponudom iz člana 1. ovog ugovora, Ugovorni organ može jednostrano, bez saglasnosti Dobavljača, raskinuti ovaj ugovor.

Član 9.

Garancija Dobavljača na isporučenu robu iznosi:

- LOT 2 – dron tip 2 - 12 (dvanaest) mjeseci.
i počinje da vrijedi od datuma isporuke robe.

Dobavljač se obavezuje da će poštovati sve garantne uslove, a u toku trajanja garantnog perioda.

Ova obaveza Dobavljača se ne odnosi na štetu koja nastupi kao posljedica nestručnog rukovanja i više sile.

Član 10.

Dobavljač nema pravo zapošljavati, u svrhu izvršenja ovog ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke Ugovornog organa, najmanje 6 (šest) mjeseci po zaključenju ovog ugovora, odnosno od početka realizacije ovog ugovora.

Član 11.

Na ostala prava i obaveze ugovornih strana, koja nisu regulisana ovim ugovorom primjenjivat će se odredbe Zakona o obligacionim odnosima.

Član 12.

Eventualno nastale sporove pri realizaciji ovog ugovora, Ugovorne strane će rješavati sporazumno.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

Član 13.

Svaka od Ugovornih strana može otkazati ovaj ugovor u pisanoj formi, uz otkazni rok od 15 (petnaest) dana iz razloga koji su utvrđeni Zakonom o obligacionim odnosima.

Član 14.

Ovaj ugovor je zaključen, kada isti potpišu obje ugovorne strane i traje do realizacije ugovorene isporuke.

Član 15.

Ovaj ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Dobavljač 2 (dva) primjerka.

DOBAVLJAČ
IMTEC d.o.o Sarajevo



direktor Safija Hadžić

UGOVORNI ORGAN
MUP KANTONA SARAJEVO
UPRAVA POLICIJE



POLICIJSKI KOMESAR
Generalni inspektor policije
Nusret Selimović

Broj : 847/20

Datum: 16.03.2020.

Broj : 02-14-4-5677-11/19

Datum: 11.03.2020. godine